



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Consolator Fidelis Et Proficientis Animæ seu  
Exhortatiunculæ Spirituales Et Succinctæ In singulas  
Dominicas & Festa anni divisæ, quibûs Confessarius in S.  
tribunali animam Deum verè quærentem paternè ...**

**Eisvogel, Veremund**

**Augustae Vindelic., 1727**

Dominica quinta

[urn:nbn:de:hbz:466:1-52716](https://nbn-resolving.org/urn:nbn:de:hbz:466:1-52716)

ctitatis, & justitiæ, unam specialem visitationem Sanctissimi Venerabilis instituemus, & coram eo 33. *Pater & Ave* persolvamus expansis brachiis. Fili! quò proximior Jesu, eò remotior à peccato.

## Dominica V. post Pascha.

### EXHORTATIUNCULA I.

**P**ETITE, & dabitur vobis, non potest abstinere Deus, nec sese continere à nimia liberalitate; perpetuò cupit benefacere. Ideò nos exhortatur, ut sine intermissione oremus, quia sine intermissione vult dare, quomodo ergo irritum facimus votum Dei, & bonum nostrum, nihil petendo? fili! mendici sumus Dei; fiducialiter pulsemus; & aperietur thesaurus indeficiens. Magni Domini volunt rogari.

#### *Instructio meritoria.*

Verùm misereamur præprimis dilectæ Matris, Romanæ Ecclesiæ, pro cujus stabilitate, & incremento recitabimus coram Sanctissimo Altaris Sacramento (tempore tamen opportuno) *Litanias*  
de



*de Omnibus Sanctis.* Amor erga Matrem probat filium.

II.

**V**ultne amari à Patre Cœlesti? fili! ergò Christum diligat; quia ipse dixit: *Ipsè enim Pater amat vos, quia vos me amastis.* Qui Christum non diligit, dispergit, dilectè! hunc solum teneat; cætera contemnat.

*Instructio meritoria.*

Ad impetrandum sæculi contemptum adeamus Cœmeterium, & post præviam transitoriarum vanitatum considerationem vespèras subjungamus ex Officio Defunctorum. Sepulchra inspice, & sapere disce.

III.

**M**onet D. Paulus in hodierna Epistola: *Charissimi Fratres! estote factores verbi, non auditores tantum.* Non quid sciverit homo in via mandatorum Dei, interrogabitur in extremo judicio, sed quomodo eadem observaverit. Scienti bonum, & non facienti peccatum est illi! en! effatum S. Jacobi.

D

In-



*Instructio meritoria.*

Ut verò in accuratum & fidelem Divinorum mandatorum excrescamus executorem, in nostro cubiculo humiliter coram Crucifixo genuflectamus, & cum magna cordis compunctione persolvamus: *Confiteor Deo Omnipotenti &c.* Sicque Jesu doloroso culpam nostram dicamus de omnibus nostris negligentis, præsertim de tot omisissis preciosis virtutum variarum operibus, quæ debuissemus operari ex multiplici instinctu Spiritus Sancti, & non operati sumus. In fine addamus Psalmum *Miserere.* Peccasti? non erubescere te humiliare.

## Dies Rogationum.

## EXHORTATIUNCULA I.

**P**Uri, & mundi accedamus ad orationem. Induamus nos meritis Christi, quæ nostra sunt: Nam illa nobis commodavit. Per Jesum ergò ô fili! deprecetur Patrem, ut eò promptius moveatur ad dandam vobis petitam eleemosynam. Anne minùs misericors est Deus, quàm nos miseri?

*In.*